


2001-12-06
kioskoa**Pantxike Agirre****EBn esku-hartzea**

Kontzertu Ekonomikoaren negoziatzioaren kontura, EAEk Europako Batasunean izan behar duen esku-hartzearen eztabaida jarri da mahai gainean. Ez dela hau eskaera hori planteatzeko unea azaldu dute beren iritzi orrietan Espainiako egunkari nagusiek, baina orain eztabaidatuko dute EBko estatuek egitura europarraren erreformaz, eta **El Pais** egunkaria aurreratu zaio gaiari, Espainiako Gobernuak har dezakeen bidea marraztuz. «Autonomiek EBko Kontseiluetan izatea proposatu dio PSO-Ek Gobernuari», zen notiziaren titularra. Eusko Jaurlaritzaren eskaerak indargabetzera dator albistea, baina, atzean ez da berrikuntza handirik sumatzen: 17 autonomiek ordezkari izango dute Espainiako delegazioaren barruan beren eskumenei dagozkien gaietan eztabaidatzeko, baina Gobernuak izango da beti buru eta autonomia batek hartuko du den txandak antolatzeko ardura. PPrene Gobernuak onargarritzat jotzen omen du proposamena, nahiz eta gauzak gehiago «zehaztu» behar direla esan. Ez da harritzekoa, kontuan izanda aurrez onartua dagoen formulatik —Espainiako ordezkariaren delegatu autonomiko bat sartzea—, asko aldentzen ez dela. **El Correo Español-El Diario Vasco** egunkarietan Kepa Aulestiak jorratu zuen gaia iritzi artikulatu batean. «Badirudi nazionalistek Europar esku-hartze-ko planteatzen duten formula Administrazio zentralaren alde biko akordio bidezkoa dela, autonomien arteko formula hitzartuaren ordeza», dio, eta hori ez zaio egokia iruditzen «gure autogobernuaren berezitasuna onartzea baino, lotura partikularra bilatzen duelako Konstituziotik aldentuz». Aulestiaren iritziak, EAJk arazo bat du: «errealismo autonomista edo EBren barruan berezko estatua lortzea aukeratu».

euskaldunon 3.417. zenbakia
Egunkaria

Ohorezko Lehendakaria: Martin Ugalde**Administrazio Kontseiluko Lehendakaria:** Joan Mari Torrealdai**Kontseilari Ordezkaria:** Iñaki Uribe**Zuzendaria:** Martxelo Otamendi**Gerentea:** Mikel Sorozabal**Publizitatea:** Idoia Sanz**Egoitza Nagusia:** Martin Ugalde Kultur Parkea 20140 Andoain Tel.: 943300222
Erredakzio faxa: 943300255-943590354 Publizitateko faxa: 943300707**Webgunea:** www.egunkaria.com**Posta elektronikoa:** egunkaria@egunkaria.com**Publizitatea:** publi@egunkaria.comBatzorde Parekidea: 72664 E Lege Gordailua: SS 800/90 ISSN 1134-640X
OJDK IKUSKATURIKO HEDAPENA**ORDEZKARITZAK** ■ **Araba:** San Antonio, 20-1 ezker. 01005 Gasteiz
Tel.: 945233872 Faxa: 945233873 Publizitatea: Tel.: 945131965**Nafarroa:** Irabie Monasterioa, 45-13. esk. (Irritzi dorrea) 31011 Iruñea
Tel.: 948178078-79 Faxa: 948178077 Tel.: Publizitatea: 948176686**Bizkaia:** Egoia Jenerala, 3-behea. 48010 Bilbo Tel.: 944104046 Faxa: 944103715
Tel.: Publizitate Orokorra: 944701199-80 Publizitate Lokala: 944701114**Lapurdia, Nafarroa Beherea, Zuberoa:** Pelletier 35, 1 503 Posta
kubxatila, 64100 Baiona Tel.: 559593575 Faxa: 559257511**martintxo****hizpideak****PSNren oposizio jokoa**

Nafarroako Gobernuaren aurrekontu proiektuak ez du oraingoz behar besteko babesik. PSNk azken orduan osoko zuzenketa aurkeztu du eta, honenbestez, hilaren 12ko osoko bilkuran berdinketa gertatuko da, 25 diputaturen —UPNko 23 eta CDNko 2— babesa eta beste 25en arbuioa jasoko baitu Gobernuaren proposamenak. Baina osoko zuzenketek ere patu bera izango dute, UPN eta CDNren botoak aski izango baitira denak atzera botatzeko. Erabateko oposizioa egiten duenaren papera jokatu du Lizarbek osoko zuzenketa aurkeztuz, baina zuzenketa partzialen bitartez «aldaketa nabariak» eginez gero aurrekontuak sostengatuko dituela adierazi du. Gobernuaren politikaren norabidea aldatzeko saioa baino, UPNren alternatiba gisa agertzeko ahalegina sumatzen zaio PSNren jokabideari.



Lanbide Heziketako ikasle talde bat.

**Aurrerapausoak eta itzalak
Lanbide Heziketan**

Derrigorrezko Bigarren Hezkuntza amaitu ostean Lanbide Heziketaren aldeko apostua egiten dute Euskal Autonomia Erkidegoko ikasleen erdiek, 30.323 guztira. Hezkuntza eredu horrek gizartearen onespina lortu duela erakusten du datu horrek. Hala ere badira pare bat itzal: trebakuntza zikloen %18 baino ez dira euskaraz eskaintzen eta emakumeen artean aukera horrek oraindik indar gutxi du. Euskararen eskaintza urria —nahiz eta azken urteetan % 5,9 izatetik %18 izatera pasa den— kezkarria da; euskararen normalizaziorako lan mundua euskalduntzea ezinbestekoa da.

Bonnetik Kabulera

Afganistanen behin-behineko Gobernuak eratzeko akordioa hitzartu zuten atzo, bertako etnietako ordezkariak Bonnen. Abenduaren 22an jarriko da abian, eta AEBetako hegazkinak atzo Kandahar inguruan zauritutako Hamed Karzai buruzagi paxtua, Zahir Sha errege ohiaren taldekidea, izango du lehen ministro. Iparraldeko Aliantzaren esku egongo dira, ordea, ministerioen erdia baino gehiago, eta Karzai bera gainera Aliantzako kide ohi da. Eztabaida zailen ondoren akordioa iritsi da, baina oposizio talde militarren eta erbesteko paxtuen artean. Orain Afganistanera itzuli beharko dute guztiak, eta erabakitako berreraikitzea egia bihurtzen saiatu. Horretarako desmilitarizazioa ezinbestekoa dela esan dio EGUNKARIARI Hadi Fofzi Alderdi Demokratiko kideak, bestela 1992ko sarraskiak berriro gerta baitaitezke.

Mustafa Sahir Afganistango errege ohiaren biloba Koenigswinterko hizketaldietan.

**Okerrago izan zitekeen**

Futbol zelaietan bakarrik ez, bulegoetan ere itxura eskasa eman du Realak azken denboraldietan. Taldearen jokoa-aren gaitzak konpondu nahian, hamaika atzeritar ekarri ditu, bata bestea baino makalagoa, erdiak lesionatuta. Diru gehiegi xahutu nahi ez, eta azkenean urteetan pilaturiko milioiak apenas jokatzetik izan duten jokariak ekartzeko gastatu zituen Realak. Peiremans, Collet, Corino eta Demetradzeren fitxaketak gogoan, atzo Realeko zuzendaritzak Nihat turkiarrarena baztertzearabaki zuen, mediku azterketan meniskoa hautsita duela ikusi baitzen. Nihat gabe, Toshackek ez du izango eskatutako jokalaria, baina oraingoa behintzat garaiz oharitu dira.